

Pertandingan, Hadiah dan Judi dari Perspektif Syariah

Prof Dr Ashraf Md Hashim
Penyelidik Kanan, ISRA

Bahan Perbincangan

2

- Takrif pertandingan.
- Takrif perjudian.
- Hukum asal pertandingan, jenis-jenisnya dan hikmah pengharusannya.
- Pertandingan dan hubungkaitnya dengan hadiah dan perjudian

Takrif Pertandingan

3

- Pertandingan di dalam bahasa Arab disebut sebagai “*al-musabaqah*” atau “*al-sabq*” yang bererti maju ke hadapan di dalam (perlumbaan) larian dan di dalam perkara-perkara yang lain. Manakala “*al-sabaq*” pula membawa maksud sesuatu yang menjadi rebutan dalam pertandingan. (*Lisan al-Arab*, 10/151)
- Perkataan “*al-musabaqah*” dan beberapa perkataan lain yang ada kaitannya di atas membawa makna yang sama dengan perkataan “pertandingan” di dalam bahasa Melayu. Pertandingan diertikan sebagai perihal bertanding, perlawanan (seperti bola dan sebagainya), perlumbaan (seperti berlari, berenang dan lain-lain) dan peraduan (seperti menembak dan seumpamanya). (*Kamus Dewan*, 1366-1367)
- Daripada takrif di atas, dapatlah disimpulkan bahawa pertandingan di dalam skopnya yang luas meliputi apa jua perlawanan yang melibatkan kekuatan mental, fizikal dan juga kemahiran. Kekuatan ini pula mungkin datang dari manusia, haiwan, mesin atau gabungan antara elemen-elemen tersebut .

Takrif Perjudian

4

- Para fuqaha pula tidak memberikan definisi yang langsung dan jelas mengenai perjudian. Namun, apabila diteliti penulisan mereka, dapatlah disimpulkan bahawa ciri utama perjudian adalah seperti berikut:
 1. Apabila adanya pertaruhan yang dikeluarkan oleh semua peserta. Pertaruhan inilah yang akan dijadikan ganjaran bagi sesiapa yang memenangi sesuatu pertandingan.
 2. Setiap yang menyertai pertandingan tidak akan terlepas daripada dua kebarangkalian (risiko) iaitu samada mendapat keuntungan ataupun kerugian (*imma an yaghnam aw yaghrām*). Seseorang itu akan mendapat keuntungan apabila ia memenangi sesuatu pertandingan kerana dia akan mengaut semua pertaruhan peserta-peserta lain. Manakala jika kalah, beliau akan menanggung kerugian kerana hilangnya wang pertaruhan yang dikeluarkan.

Takrif Perjudian

5

- Pemerhatian daripada takrif perjudian:
 1. Di dalam menghuraikan dua syarat di atas, dapatlah diperhatikan bahawa para fuqaha telah tidak membezakan antara pertandingan yang melibatkan kemahiran ataupun yang hanya bergantung kepada nasib semata-mata. Tiada juga perbezaan di antara pertandingan yang melibatkan pertaruhan yang banyak ataupun sedikit. Di dalam semua keadaan, apabila dua ciri di atas dipenuhi, maka ia akan dikira sebagai perjudian yang diharamkan.
 2. Perlu diberi perhatian bahawa di zaman sekarang, pertaruhan dikutip melalui cara yang kadang-kadang tidak disedari oleh para peserta pertandingan. Antaranya ialah dengan menggunakan istilah-istilah lain selain seperti "wang penyertaan", "yuran pertandingan" dan sebagainya. Atau kadangkala ianya dikutip secara tidak langsung, misalnya melalui bayaran panggilan telefon yang dikenakan bagi peserta yang berminat untuk menyertai sesuatu pertandingan. Di dalam semua keadaan di atas, jika pada hakikatnya hadiah yang disediakan adalah dari sumber yang dikeluarkan oleh peserta, maka ianya adalah dikira sebagai suatu perjudian.

Hikmah Pengharaman Perjudian

6

- Boleh menimbulkan perseteruan dan kebencian di antara manusia.
- Menjadikan manusia cuai dari mengingati Allah s.w.t.
- Mengabaikan tanggungjawabnya sesama manusia.
- Akan menimbulkan ketagihan dan tekanan perasaan.
- Perjudian juga akan menjadikan seseorang memasang angan-angan kosong yang akan melalaikannya daripada berusaha bersungguh-sungguh mengikut sunnah Allah s.w.t. untuk mencapai kejayaan.
- Kehilangan harta benda kerana pada hakikatnya, di dalam perjudian, hanya segelintir kecil sahaja yang memperolehi “keuntungan”, manakala sebahagian besarnya akan sentiasa berada di dalam kerugian.
- Penganjur yang mendapat keuntungan daripada sumber yang

Hukum Asal Pertandingan

7

Secara asasnya, para fuqaha bersepakat bahawa hukum asal pertandingan adalah harus.

- Ini adalah berasaskan kepada firman Allah s.w.t. :

وأعدوا لهم ما استطعتم من قوةٍ ومن رباط الخيلِ ترهبون به عدو الله وعدوكم

Maksudnya : Dan siapkanlah untuk menghadapi mereka dengan kekuatan apa sahaja yang kamu sanggupi dan dari kuda-kuda yang ditambat untuk berperang (yang dengan persiapan itu) kamu menggentarkan musuh Allah dan musuhmu...(al-Qur'an 8:60)

al-Mawardi menjelaskan bahawa arahan menyediakan kekuatan untuk berperang tidak akan sempurna melainkan dengan adanya latihan dan pertandingan

قالوا يا أبانا إنا ذهبنا نستبقُ وتركنا يوسفَ عند متاعنا فأكله الذئبُ

- Maksudnya: Mereka berkata: “Wahai ayah kami, sesungguhnya kami pergi berlumba-lumba dan kami tinggalkan Yusuf berdekatan dengan barang-barang kami lalu dia dimakan serigala.” (al-Qur'an 12: 17)

Hukum Asal Pertandingan

8

- Di antara hadis-hadis yang menunjukkan kepada harusnya pertandingan adalah seperti berikut:

روي عن ابن عمر أنه قال : أجرى النبي صلى الله عليه وسلم ما ضم من الخيل من الحفيا إلى ثنية الوداع ، وأجرى ما لم يضم من الثنية إلى مسجد بني زريق


Maksudnya: Diriwayatkan dari Ibn ‘Umar bahawa beliau berkata: Nabi s.a.w. telah mempertandingkan antara kuda *mudammarah* daripada Hafya’ ke Thaniyyah al-Wada’ dan antara kuda yang bukan *mudammarah* dari al-Thaniyyah ke Masjid Bani Zuraiq. (riwayat Bukhari)

أنها كانت مع النبي صلى الله عليه وسلم في سفر فسابقته فسلقته على رجلي ، فلما حملت اللحم سابقته فسبقني ، فقال : هذه بتلك السبقة

Maksudnya: Semasa aku bersama Nabi s.a.w. di dalam satu perjalanan, aku telah berlumba dengan Rasulullah s.a.w. dan aku telah mengalahkannya, apabila aku menjadi semakin “berisi”, aku telah berlumba (sekali lagi) dengan Rasulullah s.a.w. dan baginda telah berjaya mengalahkanku, lalu baginda bersabda: “(kemenangan) Ini adalah untuk (kekalahan) yang dahulu (riwayat Abu Daud dan Ibn Majah)

Jenis Pertandingan yang Dibenarkan

9



Kesimpulan dapatan: Walaupun melibatkan hadiah, adalah harus dan dibenarkan apabila ianya memenuhi syarat-syarat berikut:

- 1) Permainan dan pertandingan itu tidak menyalahi mana-mana prinsip syarak.
- 2) Permainan dan pertandingan itu boleh membawa kepada menafaat dan faedah tertentu yang digalakkan oleh syarak, misalnya untuk mengakrabkan hubungan persaudaraan di dalam masyarakat, keluarga dan sebagainya.
- 3) Permainan dan pertandingan itu tidak membawa kepada kelekaan. Maksudnya, ianya tidak menjadi penyebab kepada cuainya seseorang di dalam menjalankan tugas-tugas asasnya sebagai hamba Allah, pekerja, ketua keluarga dan lain-lain.
- 4) Permainan dan pertandingan itu tidak bertentangan dengan kepentingan dan keperluan situasi semasa sesebuah negara. Misalnya, di dalam situasi peperangan, pertandingan yang tidak menyumbang ke arah penyediaan pasukan tentera yang kuat bolehlah dilarang.

Pertandingan & Hadiah

10

Hukum terpeincinya bergantung kepada dua keadaan berikut:

- ❖ Keadaan Pertama: Hadiah Ditaja oleh Pihak Luar (Bukan Peserta Pertandingan)
- ❖ Keadaan Kedua: Hadiah Ditaja oleh Peserta Pertandingan

Pertandingan & Hadiah

11

Keadaan Pertama: Hadiah Ditaja oleh Pihak Luar (Bukan Peserta Pertandingan)

Pihak luar yang dimaksudkan di sini ialah mereka yang tidak menyertai pertandingan. Pihak inilah yang mengeluarkan hadiah kepada pemenang di dalam sesuatu pertandingan. Mereka ini pula mungkin terdiri daripada pemerintah, organisasi ataupun orang perseorangan.

Secara amnya, para fuqaha berpendapat bahawa adalah harus bagi pemerintah atau pihak lain menaja hadiah bagi sesuatu pertandingan, samada sumber hadiah tersebut dari baitul mal atau dari hartanya sendiri.

- Ini adalah kerana terdapatnya maslahat di mana ganjaran tersebut merupakan galakan kepada para peserta untuk lebih bersungguh-sungguh di dalam mempelajari beberapa aspek kemahiran di dalam pertandingan.

Pertandingan & Hadiah

12

Keadaan Kedua: Hadiah Ditaja oleh Peserta Pertandingan

1) Hadiah Ditaja oleh Salah Seorang Atau Sebahagian Peserta

Apabila terdapat dua peserta di dalam sesuatu pertandingan, salah seorang dari mereka menaja hadiah dan menyatakan bahawa jika yang seorang lagi memenangi pertandingan, maka dia boleh memiliki hadiah tersebut. Di dalam keadaan ini, peserta yang seorang lagi itu tidak mengeluarkan apa-apa belanja di dalam penajaan hadiah. Para fuqaha mempunyai pandangan yang berbeza di dalam perkara ini sebagaimana berikut:

- Majoriti ulama iaitu Hanafi, Hanbali dan Shafi'i berpendapat bahawa perkara ini adalah dibenarkan. Ini adalah kerana tiadanya unsur-unsur perjudian.
- Fuqaha Maliki bersependapat dengan pandangan di atas, Namun, jika penaja sendiri yang memenangi pertandingan tersebut, ia tidak boleh memiliki hadiah tersebut - disedekahkan atau diberikan kepada pemenang yang berikutnya yang tidak terlibat di dalam penajaan hadiah.

Pertandingan & Hadiah

13

Keadaan Kedua: Hadiah Ditaja oleh Peserta Pertandingan

2) Hadiah Ditaja oleh Semua Peserta (3 pandangan):

- i. Fuqaha Hanafi, Shafi'i, kebanyakan Hanbali dan sebahagian Maliki berpendapat bahawa pertandingan yang seumpama ini adalah tidak dibenarkan melainkan dengan adanya *muhallil* di kalangan peserta.

من أدخل فرسا بين فرسين وهو لا يؤمن أن يسبق ، فليس بقمار ، ومن أدخل فرسا بين فرسين
وقد آمن أن يسبق فهو قمار

Maksudnya: Sesiapa yang memasukkan seekor kuda di antara dua ekor kuda (yang bertanding) dan tiada jaminan bahawa dia akan menang (di dalam pertandingan tersebut), maka ianya tidak dianggap perjudian, dan sesiapa yang memasukkan seekor kuda di antara dua ekor kuda (yang bertanding) dan adalah terjamin bahawa dia akan memenangi (pertandingan tersebut) maka ini adalah suatu perjudian. (riwayat Abu Daud

Pertandingan & Hadiah

14

- ii. Kebanyakan fuqaha Maliki berpendapat bahawa penajaan hadiah oleh semua peserta adalah tidak dibenarkan walaupun dengan adanya *muhallil*. Pandangan ini adalah berasaskan kepada dalil umum haramnya perjudian. Antaranya:

الخيل ثلاثة ، ففرس للرحمن وفرس للإنسان وفرس للشيطان ... وأما فرس الشيطان
فالذي يُقامر أو يُراهن عليه

Maksudnya: Kuda (ada) tiga (jenis), kuda kepada al-Rahman, kuda kepada manusia dan kuda kepada syaitan ... adapun kuda kepada syaitan adalah (yang digunakan) untuk perjudian dan pertaruhan (Riwayat Ahmad)

- iii. Sebahagian fuqaha yang lain pula berpendapat bahawa penajaan hadiah oleh semua peserta adalah dibenarkan walaupun tanpa *muhallil*. Pendapat ini didokong oleh Ibn Taymiyyah, Ibn al-Qayyim dan lain-lain.

Pertandingan & Hadiah

15

Dapatan dan Kesimpulan: Hadiah Ditaja oleh Semua Peserta:

Keadaan di mana hadiah adalah hasil tajaan semua peserta adalah sesuatu yang perlu diberi perhatian serius. Perkara-perkara berikut adalah dicadangkan untuk menghindarkan elemen perjudian di dalam pertandingan:

- 1) Adanya pihak yang tidak mengeluarkan tajaan sama-sama mengambil bahagian di dalam sesuatu pertandingan. Peserta inilah yang diistilahkan oleh kebanyakan ulama sebagai *muhallil*. Sebagaimana yang digariskan oleh para fuqaha, *muhallil* ini hendaklah mempunyai kekuatan yang seimbang dengan peserta-peserta yang lain.
- 2) Apabila *muhallil* menang, maka dia berhak untuk mengambil semua hadiah yang dikeluarkan oleh peserta-peserta yang lain. Ini adalah kerana elemen perjudian tidak ada pada dirinya. Risikonya di sini hanyalah antara kemampuannya untuk menang dan mengaut keuntungan, ataupun beliau kalah dan tidak menanggung apa-apa kerugian (kerana dia bukanlah penaja hadiah).

Pertandingan & Hadiah

16

- 3) Apabila penaja hadiah yang menang, maka pendapat sebahagian fuqaha Maliki yang menyatakan bahawa dia tidak berhak untuk mengambil hadiah tersebut adalah lebih baik untuk dilaksanakan bagi membersihkan dirinya dari unsur-unsur perjudian. Di dalam hal ini, risikonya hanyalah di antara menanggung “kerugian” (yang pada hakikatnya adalah sedekah) akibat kekalahan atau tidak mendapat apa-apa apabila mencapai kemenangan. Risiko sebegini sudah tentu tidak dianggap sebagai perjudian.
- 4) Jika pihak penaja yang menang masih berhajat untuk mendapatkan hadiah tersebut, adalah dicadangkan agar ianya dijadikan sesuatu yang berbentuk “pusingan”. Di dalam hal ini, dia bukanlah memiliki hadiah tersebut, sebaliknya hanyalah menyimpan bagi tempoh tertentu sebelum dipulangkan kembali kepada penganjur pertandingan. Ini boleh dilakukan jika pertandingan itu sendiri diadakan secara berkala dan berulang.

Pertandingan & Hadiah

17

- 5) Jika semua syarat-syarat di atas, khususnya syarat ke tiga dipenuhi, maka pendapat al-Mawardi yang mengharuskan penyediaan seorang sahaja *muhallil* di kalangan seratus orang peserta penaja hadiah bolehlah dilaksanakan. Faedahnya di sini adalah mungkin untuk memberi galakan kepada ramai peserta untuk meningkatkan kemahiran bagi menentang seorang jaguh (*muhallil*) yang handal atau mungkin untuk menarik minat jaguh tersebut agar mengambil bahagian. Jika syarat yang ke tiga khususnya tidak dipenuhi, kewujudan *muhallil* tersebut hanyalah sebagai helah untuk menghalalkan perjudian yang diharamkan. Jika ini dibenarkan, maka pengeluaran beberapa nombor secara percuma kepada beberapa individu (yang dianggap sebagai *muhallil*) akan menjadikan keseluruhan perjudian loteri halal. Helah yang seumpama ini adalah haram sebagaimana diharamkan *muhallil* di dalam bab perkahwinan selepas perceraian dengan talak tiga. Ianya juga perlu diharamkan berasaskan kaedah *sadd al-dhara'i'*.
- 6) Perlunya ada ketelusan di dalam penganjuran pertandingan. Sumber hadiahnya perlulah jelas dan hadiah itu sendiri perlulah dimaklumi

Penutup

18

- Daripada perbincangan di atas, dapatlah disimpulkan bahawa para fuqaha bersependapat bahawa pertandingan yang tidak melibatkan hadiah adalah dibenarkan.
- Namun, mereka mempunyai pandangan yang berbeza terhadap pertandingan yang melibatkan hadiah. Syarat-syarat pertandingan yang dibenarkan sebagaimana yang disebut di dalam kajian ini hendaklah diberi perhatian yang serius.
- Manakala konsep penajaan hadiah di dalam sesuatu pertandingan pula lebih bersifat sedekah dan sumbangan yang dikeluarkan adalah untuk menggalakkan seramai mungkin peserta bertanding dan seterusnya mendapat manfaat yang diharapkan daripada pertandingan yang dianjurkan. Ianya tidaklah boleh dianggap sebagai suatu jalan untuk menggandakan wang tajaan atau mencari kekayaan.
- Adalah diharapkan agar kajian ini dapat memberi gambaran yang jelas mengenai konsep pertandingan dan hadiah di dalam Islam.

Apa yang baik itu adalah daripada Allah s.w.t. dan sebarang kesilapan adalah daripada kelemahan penulis.

جزاكم الله خيرا